

ADYAYA I

PURWAKA

1.1 Dadalan Pikobet

Matembang inggih punika sinalih tunggil paplajahan sane nenten lempas ring paplajahan bahasa Bali. Paplajahan matembang puniki ngranjing sajeroning *kurikulum* paplajahan bahasa Bali saking SD, SMP, miwah SMA/SMK polih naler paplajahan tembang puniki, sakewanten sane seneng tur midep kidik pisan. Utama ipun ring SMP Negeri 5 Abang wenten *program* sakadi *ekstra kurikuler* matembang, mangdena nenten sayad rered tembang puniki, sekolah makarya *program* sakadi *ekstra kurikuler* tembang, sakewanten pamilet utawi ne nyarengin *ekstra* tembang puniki kidik pisan. Meweh pisan ring aab mangkin ngerereh sisia sane seneng malajahin tembang. Yening cingakin ring kelas ri tatkala polih paplajahan basa Bali utama ipun matembang pastika alit-alite sami takut, jekeh santukan nenten bisa matembang. Nika mawinan guru sane madue peran sane pinih penting iriki.

Sakemawon kaacingak guru kantun ngicen paplajahan sakadi ceramah, dadosnyane sisia meed tur nenten ngresep sareng napi sane katlatarang olih guru ngenenin indik nembangang pupuh ginanti, naler guru kantun *fokus* ring *materi* sane wenten ring buku, guru durung ngicen paplajahan sane *menarik* saha nenten *inovatif*, naler guru nelatarang *materi* nenten ngangge *media* sane prasida ngawantu pangresep sisia malajah nembangang pupuh ginanti, guru kantun ngangge metode cermah naler medianyane kantun ngangge *papan tulis*,

nika mawinan sisia kirang midep nembangang pupuh. Punapi tata caranyane mangdena alit-alite kadaut manahnyane seneng, rajin, nenten kimud malajah matembang uatama ipun pupuh ginanti. Palajahan tembang puniki kanikaang kuno, akehan alit-alite mangkin seneng mlajahin gending-gending sane *moderen*, gending *gaul* kadi gending *inggris*, *korea* miwah sane lianan. Sakadi paplajahan tembang sayan lami sayan kimud alit-alite mapapuruk santukan sampun keni ius olih panglimbak *jaman* sane *moderen* sakadi mangkin. Wenten sane midep matembang sakewanten nenten akeh.

Kawentenan mangkin ring paplajahan Sekar Alit puniki, kadi panilik ngambil *sampel* ring *tingkat* SMP santukan panilik ngamargiang parikrama *PLP Adaptif* ring SMP Negeri 5 Abang mangdena sapisanan ngerereh *data-data* sane prasida anggen nyangkepin tetilikan puniki, naler panilik sampun ngamargiang pratiaksa majeng guru miwah sisianyane, santukan akeh pikobet-pikobet sane kakeniang, nika awinan panilik ngamargiang tetilikan ring SMP Negeri 5 Abang utama ipun sisia kelas IX D mangdena pikobet punika prasida kererehang solusinyane. Naler *materi* sekar alit puniki sampun nganutin *silabus* miwah *RPP*. Sekar alit utawi mecepat inggih punika tembang sane kaiket antuk uger-uger, pada lingsa sakadi, guru wilangan inggih punika jumlah ketekan ring sajeroning acarik majeng apada, guru gatra inggih punika jumlah carik ring apada. Guru dingdong inggih punika suara ring panguntat carik miwah nganuntin aturan padalingsanyane. Manut Wayan Budha Gautama (2007: 33) Sekar Alit ketahnyane wenten dasa (10) pupuh sakadi pupuh sinom, pupuh semarandana, pupuh pucung, pupuh pangkur, pupuh mijil, pupuh maskumambang, pupuh ginanti, pupuh ginada, pupuh durma, pupuh dangdang

gula. Nika mawinan panilik ngangge pupuh ginanti, santukan ring silabus sane kapolihang naler *rpp* sane kakaryanin punika nelatarang ngeninin indik sekar alit pupuh ginanti naler mangdena alit-alite prasida nembangang pupuh ginanti nganutin pada lingsanyane. Kaluwihan pupuh ginanti puniki prasida dangan alit-alite malajahin tembang utamanyane pupuh-pupuh sane lianan, santukan kadi pupuh ginanti puniki sampun ketah lumbrah kapirengang.

Tetujon paplajahan pupuh sane kaaptiang inggih punika mangdena sisia-sisia sami prasida nembangang pupuh ginanti nganutin uger-uger pada lingsanyane, sadurnungne sisia punika nenten wikan dadosnyane sisia punika middep matembang. Paplajahan matembang sane kaplajahin ring sekolah mapaiketan ring parikrama krama Baline minakadi kaanggen ring pura, ring anake ngamargiang pawiwahan, mapandes miwah sane lianan. Kawentenan punika sane ngawinang paplajahan matembang kabaos nenten meweh kaajahin ring sisia sinamian. Sakewanten, panglaksana paplajahan matembang karasayang meweh santukan para sisia kantun akeh kirang tur durung ngresep majeng paplajahan sekar alit. Santukan guru sane ngicen *materi* wantah ngicenin teori kemanten sareng ngicen imba ngaryanin pupuh nganutin pada lingsa, guru punika wantah *fokus* ke sisisa sane sampun wikan matembang pupuh ginanti, taler guru nenten ngicen galah majeng sisisa lianan sane durung wikan matembang utama ipun pupuh ginanti. Nika sane ngawinang sisia kirang seneng pelajahan sekar alit puniki miwah sisia pastika pacang nenten seneng mlajahin sekar alit dadosnyane sisia punika nglantas nenten middep matembang.

Kawentenan panglaksana paplajahan matembang sane kabaos meweh akeh kajantenang ring sisia SMP, sakadi ring SMP Negeri 5 Abang. Sisia ring

SMP Negeri 5 Abang utama ipun sisia kelas IX D ngrasayang meweh ngresepang paplajahan matembang santukan ring paplajahan sekar alit utama ipun pupuh ginanti akeh alit-alite sane durung midep matembang yening nenten wenten panglantur ipun dadosnyane palajahan matembang puniki sayan rered, punika awinan patut pisan paplajahan tembang puniki kaplajahin olih alit-alite ngawit mangkin. Tembang inggih punika pahan seni sane katelatarang majeng tatembangan, tembang inggih punika kakawian sane kaiket (kabanda) antuk makudang-kudang uger-uger, tur mawasana mikolihang suara sane ngawetuang wirama.

Wirama inggih punika tetueknyane panglengut suara indik dabdab wiadin keras suara ane ngangge *laras pelog* taler *laras slendro*. Naler tembang prasida kakepah dados petang soroh minakadi Sekar Rare, Sekar Alit, Sekar Madia miwah Sekar Agung. Sekar Rare ketahnyane sakadi gagendingan, sekar rare puniki pinaka *jenis* tembang sane nenten maduwe uger-ugernyane. Sekar Alit sering kasengguh tembang mecepat inggih punika tembang sane kaiket antuk uger-uger, pada lingsa. Sekar madia inggih punika *jenis* tembang sane maduwe uger-uger sasurastan sakadi jumlah ketekan ring sajeroning acarik miwahsuara pinik untat ring sajeroning acarik. Sekar Agung inggih punika wirama sane katembangang ring sajeroning paiketan upacara sakadi pitra yadnya miwah yadnya-yadnya sane tiosan. Sekar Agung maduwe uger-uger minakadi guru, lagu, wretta miwah matra.

Kawigunan tembang ring tetilikan puniki prasida ngubah pangresep para sisia mangdena para sisia seneng malajahin tembang utama ipun pupuh ginanti taler kahutsahayang mangdena sisia ring kelas IX D SMP Negeri 5 Abang

prasida nguratiang taler prasida nembangang pupuh ginanti. Ring SMP Negeri 5 Abang puniki sampun ngamargiang *kurikulum 2013* ring sajeroning kramaning pajahan, pikobet ring sajeroning paplajahan tembang sane kapolihang sakadi sisia kirang seneng mlajahin pupuh santukan paplajahan sane kaicen teori kemanten sapatutnyane guru prasida ngajahin nganggen *media-media* sane *menarik* tur ngicen imba nembangang pupuh ginanti. Pupuh sane kanggen olih guru basa Bali ring kelas IX D inggih punika pupuh ginanti. Panilik meled pisan ngawantu punapi tata caranyane mangdena sisia ring kelas IX D SMP Negeri 5 Abang puniki prasida midep nembangang pupuh ginanti, awinan punika panilik nganggen *media audio visual* sane marupa *video* nembangang pupuh ginanti mangdena alit-alite seneng, santukan sampun wenten *bukti* kadi puniki tata cara nembangang pupuh sane anut, suara, wiraga, wirasa saha alit-alite prasida gelis kresep sareng pupuh ginanti puniki.

Sajeroning paplajahan matembang puniki sane utama ka angge sarana utawi piranti inggih punika *Media audio visual*. *Media audio visual* teges ipun *media* sane prasida ngawetuang suara miwah *gambar* sakadi *video* anak matembang. *Media Audio visual* inggih punika pinaka piranti sane marupa *alat bantu* ring paplajahan sane mrasidayang nguningayang *video* utawi *film*, saha prasida ngawantu nguningayanng (*menayangkan*) sakadi wiraga, wirasa, wirama, ri tatkala nembangang pupuh ginanti. Sakadi gagambaran miwah suara, dadosnyane prasida sisia punika seneng melajah pupuh utama ipun pupuh ginanti. *Media* puniki maduwe paiketan sareng tetujon paplajahan sekar alit utama ipun pupuh ginanti, mangdena sisia-sisia ring kelas IX D SMP Negeri 5 Abang prasida nembangang pupuh ginanti puniki, sadurnungne sisia

punika nenten wikan dadosnyane sisia punika midep. Saking iriki sisia prasida mirengang miwah nyingakin *video* sane kaicen olih panilik sane kasobyahang ngangge piranti *LCD*, Usaha panilik ngangge *media audio visual* puniki mangdena sisia kelas IX D SMP Negeri 5 Abang mrasidayang nyarengin paplajahan puniki antuk *semangat* miwah bagia mangdena sisia nenten meed tur nenten surud-surud malajahin tembang, santukan tembang punika silih sinunggil warisan leluhur budaya Bali ne, naler ngawit mangkin sisia seneng mlajahin sekar alit utama ipun pupuh ginanti.

Majalaran antuk tetilikan sane sampun kalaksanayang, panilik meled pisan ngamargiang tetilikan puniki mangdena parikrama paplajahan puniki prasida mamargi antar tur nenten kapialang, santukan ring aab sakadi mangkin wenten pinungkan gering agung sane kawastanin *Virus Corona* utawi *Covid-19*, *pandemi* puniki ngawinang akeh wewidangan Bali sane keni *imbas*, nenten ja Bali kemanten sane keni *imbas* puniki samian panegara sane keni *pademi* puniki, nirgamayang kadi panganika anake lingsir pandemi puniki kawastanin gering agung sasab marana sampun nglimbak ring jagate. Wenten makudang-kudang kawentenan sane keni *imbas* saking gering sane kabaos *pandemi Covid-19* puniki, sakadi *pendidikan* miwah *pariwisata*. Sakewanten *pandemi Covid-19* puniki sampun dadosan akidik nenten banget kadi ne sampun lintang. Sadurungne punika sisia samian ngalaksanayang paplajahan daring utawi online. Sakewanten, sane sisia ring SMP Negeri 5 Abang sampun prasida ngamargiang paplajahan *Pembelajaran Tatap Muka (PTM)* manut himbauan saking pamerintah.

Mangdena pamargi *PTM* prasida *mematuhi prokes* sane sampun kawedar saking *pemerintah*. Ring kawentenan jagate kadi mangkin *interaksi guru* sareng sisia prasida mamargi antar, *materi paplajahan, ulangan harian* sareng *tes singkat* prasida kamargiang. Kawentenan parikrama pajah-ajahan ring aab kadi mangkin prasida angge gaguat, santukan malajah punika pinaka parikrama sane utama tur patut stata margiang miwah laksanayang sadina-dina. Nika awinan panilik ngangge *media audio visual* santukan *media audio visual* puniki prasida ngewantu sisia sane nenten seneng mlajahin pupuh, santukan kadi sisia ring *jaman* mangkin sampun meed nyingakin paajah-ajahan sane kantun kawastanin ceramah nika sane ngawinang sisia kirang kadaut manah ipune saha kimud mlajahin pupuh, sane mangkin panilik mahutsaha ngawetuang paplajahan sane *inovatif* sakadi *media audio visual* sane marupa *video* nembangang pupuh ginanti sane ka wedarang ngangge piranti *LCD* saaha linknyane kasobyahang majeng sisia, mangdena sisia prasida serahina mapepuruk ring jero soang-soang.

Majeng tetilikan puniki sane nganggen *media audio visual* nenten je tetilikan sane kapertama. Wenten panilik sane lianan sane nganggen *media audio visual* silih sinunggilnyane tetilikan duwe Ni Putu Mirah Sri Erlina (2021), tetilikanyane mamurda “*Media audio visual* Kaanggen Nincapang Kawagedan Paribasa Bali Antuk Gending Pop Bali Sisia Kelas VIII E SMP Negeri 1 Tabanan Warsa 2021”, miwah sane kaping kalih inggih punika Gusti Made Juni Astini (2021), “Nincapang Kawagedan Matembang Pupuh Maskumambang Nganggen *Aplikasi WhatsApp* Sajeroning Sisia Kelas X IBB 1 SMA Negeri 1 Sukasada” sane nilikin kawagedan matembang pupuh

maskumambang nganggen *aplikasi WhatsApp*. Saking kakalih panilik ring ajeng, sane kapartama nganggen *media audio visual* nincapang kawagedan maparibasa, sane kaping kalih nincapang kawagedan matembang ngangge *aplikasi whatsapp*. Saking makakalih tetilikan punika panilik nenten wenten nilikin para sisia kelas IX D SMP Negeri 5 Abang naler jejeri miwah penandangnyane melianan. Punika mawinan panilik madue manah meled nilikin indik “Nincapang Kawagedan Nembangang Pupuh Ginanti Nganggen *Media audio visual* Sisia Kelas IX D SMP Negeri 5 Abang”.

1.2 Ngrereh Pikobet

Nganutin dadalan pikobet ring ajeng, prasida karerehin makudang-kudang pikobet ring tetilikan puniki, pikobet sane sampun karereh mangdena prasida mapaketan sareng *media audio visual* sane marupa *video* nembangang pupuh ginanti sane ka *unggah* ring *youtube* saha kawedarang ngangge piranti *LCD*. Pikobet sane sampun karerehin sakadi puniki : (1) Kacingak guru kantun ngicen paplajahan sakadi *ceramah*. (2) Kacingak sisia meed tur nenten ngresep sareng nabi sane katlatarang olih guru ngenenin indik nembangang pupuh ginanti. (3) Kacingak guru kantun *fokus* ring *materi* sane wenten ring buku, guru naler durung ngicen paplajahan sane manarik tur nenten *inovatif*. (4) Kacingak guru nelatarang *materi* nenten ngangge *media* sane prasida ngawantu pangresep sisia nembangang pupuh ginanti, nika mawinan sisia kirang kresep tur nenten midep nembangang pupuh ginanti.

1.3 Ngwatesin Pikobet

Ring sajeroning tetilikan sane pacang kalaksanayang, prasida katureksain malih pikobet-pikobet sane sampun karerehin. Pikobet punika kawatesin santukan wenten makudang-kudang parindikan minakadi, tatilikian kabanda antuk galah, ngicenin galah majeng sang panilik sane lianan mangdena prasida nyangkepin miwah maripurnayang tetilikan puniki tur prasida ngamargiang tetilikan manut kaweruhan widya sane lianan. Iriki wenten wates-wates sane pacang katureksain inggihan punika : (1) Mangdena *fokus* ring paplajahan sekar alit utama ipun ngawigunayang *media audio visual* sane marupa *video* paplajahan nembangang pupuh ginanti sane ka *unggah* ring *youtube* saha katampilang ngangge piranti *LCD*. (2) Mangdena prasida nincapang kawagedan sisia kelas IX D SMP Negeri 5 Abang mlajahin tur nembangang sekar alit silih sinunggilnyane pupuh ginanti. (3) Mangdena prasida nguningin panampen sisia ngeninin indik ngawigunayang *media audio visual* sane marupa *video* paplajahan nembangang pupuh ginanti sane ka *unggah* ring *youtube* saha katampilang ngangge piranti *LCD*.

1.4 Bantang Pikobet

Malarapan antuk dadalan pikobet sane kawedarang ring arep, bantang pikobet sane prasida kapolihang inggih punika :

1. Sapunapi pamargin ngawigunayang *media audio visual* ring paplajahan sekar alit ri tatkala nembangang pupuh ginanti?

2. Napi ke sida *media audio visual* puniki nincapang kawagedan sisia kelas IX D SMP Negeri 5 Abang ring paplajahan sekar alit ri tatkala nembangang pupuh ginanti?
3. Sapunapi panampen sisia ngeninin indik *penerapan media audio visual* ring paplajahan sekar alit ri tatkala nembangang pupuh ginanti?

1.5 Tetujon Tetilikan

Sampun katelatarang indik bantang pikobet sane kabahbahang iwau ring ajeng, sane mangkin wenten tetujon tetilikan sakadi puniki :

1. Anggen nelatarang punapi pamargin sane ka anggen ri kala ngmargiang *media audio visual* ring paplajahan sekar alit ri tatkala nembangang pupuh ginanti.
2. Anggen nelatarang napi ke *media audio visual* prsida nincapang kawagedan nembangang pupuh Ginanti sisia kelas IX D SMP Negeri 5 Abang ring papalajahan sekar alit ri tatkala nembangang pupuh ginanti puniki.
3. Anggen nelatarang panampen sisia kelas IX D SMP Negeri 5 Abang indik *penerapan media audio visual* ring paplajahan sekar alit utama ipun pupuh ginanti.

1.6 Kawigunan Tetilikan

Kawigunan tetilikan sane mamurda “Nincapang Kawagedan Nembangang Pupuh Ginanti Nganggen *Media audio visual* Sisia Kelas IX D

SMP Negeri 5 Abang” puniki wenten kakalih, inggih punika : 1) Kawigunan pamucuk, 2) Kawigunan panglimbak, sekadi ring sor puniki:

1.6.1 Kawigunan Pamucuk

Pikolih tetilikan puniki kaaptiang mawiguna ring sajeroning panglimbak widya indik paplajahan sekar alit utama ipun pupuh ginanti ngange piranti *media audio visual* sane marupa *video* nembangang pupuh ginanti sane ka katampilang ngangge piranti *LCD*.

Pikolih tetilikan puniki kaaptiang mawiguna ring panglimbak kaweruhan ring widia pajah-ajahan (*Ilmu Pendidikan*), mangdena tetilikan puniki prasida dados gaguat olih panilik lianan.

Saha panilik mahutsaha mangdena alit-alite seneng malajahin tembang tur prasida nembangang pupuh ginanti. Cutetnyane paplajahan basa Bali sane nelatarang palajahan sekar alit utama ipun indik pupuh ginanti.

1.6.2 Kawigunan Panglimbak

Kawigunan Panglimbak sane kapolihang saking tetilikan puniki mangdena prasida kaanggen gaguat olih penilik sane lianan, naler ring kawigunan panglimbak puniki prasidas naler kaanggen majeng ring sisia, majeng ring guru, majeng ring sekolah, miwah majeng ring panilik lianan. Puniki pacang katlatarang sajangkepnyane ring sor:

1. Kawigunan majeng ring sisia

Tetilikan puniki mrasidayang ngawantu sisia nguningin miwah nyelehin pikobet ri kala mlajahin sekar alit antuk ngrerehang pamargin sane patut

mangda nincapang kawagedan ring peplajahan basa Bali utama ipun pupuh ginanti. Taler para sisia prasida ngamolihang *pengalaman* mlajah nembangang pupuh ginanti sane kaicen olih panilik.

2. Kawigunan majeng ring guru

Sajeroning tetilikan puniki kaaptiang prasida ngawantu guru utama ipun guru bahasa Bali ring sawewengkon jagat Bali. Prasida ka anggen nincapang kaweruhan tata cara ngajahin matembang sane nganggen piranti *media audio visual* sane marupa *video* nembangang pupuh ginanti sane ka tampilang ngangge piranti *LCD*.

3. Kawigunan majeng ring sekolah

Tetilikan puniki kaaptiang mangdena prasida ka angge sasuluh sane mawiguna majeng ring sekolah indik kramaning pangajah-ajahan sane patut kalaksanayang anggen nincapang kapatutan paplajahan utama ipun mapupuh.

4. Majeng ring panilik lianan

Pikolih saking tetilikan puniki kanggen pratiwimba olih panilik lianan sane madue arsa, kayun ngalaksanayang tetilikan sane mapaiketan sareng tetilikan puniki.